

I - ARABAKO BATZAR NAGUSIAK ETA ARABAKO LURRALDE HISTORIKOAREN FORU ADMINISTRAZIOA

Arabako Foru Aldundia

NEKAZARITZA SAILA

126/2025 Erabakia, martxoaren 4koa, Foru Gobernu Kontseiluarena. Onespena ematea Arabako Lurralde Historikoan muga naturalak edo bestelako muga espezifikoak dituzten eremuetarako dirulaguntzen 2025eko deialdiari

Foru Gobernu Kontseiluaren ekainaren 20ko 31/2023 Foru Dekretuaren bidez, Arabako Lurralde Historikoan berezko muga naturalak eta beste muga jakin batzuk dituzten zonetarako laguntzak arautzen dituzten oinarriak onetsi ziren, baita 2023rako deialdia ere.

Oinarri arautzaileen 5. artikulua xedatzen du urtero onetsiko dela laguntzen deialdia, eta haren barruan honako hauek jasoko direla:

- Deialdiko laguntza lerroak.
- Deialdia ebazteko erreserbatzen diren kredituak.
- Laguntza primaren zenbatekoa, hektareako eurotan, bi zonetako bakoitzerako.
- Eskerak aurkezteko epea eta lekua.

Arabako Foru Aldundiaren 2025erako gastuen aurrekontuan bada partida bat, 40101.G/414400/47900405 "Konpentsaziozko kalte ordainak alde behartsuentzat" izenekoa, eta kreditu nahikoa dauka. Hortaz, proposatzen da onestea laguntza horien 2025erako deialdia, eta ordainketa 2026ko ekitaldian egingo da.

Nahitaezko txostenak ikusi dira, eta Nekazaritza Saileko foru diputatuak proposaturik eta Foru Gobernu Kontseiluak gaur egindako bilkuran gaia aztertu ondoren, hau

ERABAKITZEN DUT

Lehenengoa. Onespena ematea laguntza horien 2025erako deialdiari, zeina arautuko baita Foru Gobernu Kontseiluaren ekainaren 20ko 31/2023 Foru Dekretuan xedatutakoaren arabera, xehetasun hauekin bat etorritz:

- Deitutako esku-hartzeak:
 - Konpentsaziozko ordainketak mendialdeetarako.
 - Konpentsaziozko ordainketak muga natural esanguratsuak dituzten edo mendikoak ez diren beste alde behartsu batzuetarako.
- Laguntza primaren zenbatekoa, hektareako eurotan, honako hau izango da bi eremuetako bakoitzerako:
 - Konpentsaziozko ordainketak mendialdeetarako: 84,65 euro/ha.
 - Konpentsazio ordainketak muga natural esanguratsuak dituzten edo mendialdeez bestelako gune behartsuetarako: 61 euro/ha.
- Eskerak aurkezteko lekua eta epea:

Deialdi honetan aurreikusitako laguntzak jasotzeko eskaerak abenduaren 27ko 1048/2022 Errege Dekretuaren IV. tituluan xedatutako eskaera bakarrean sartuko dira (1048/2022 Errege Dekretua, abenduaren 27koa, 2023tik aurrera Nekazaritza Politika Erkidearen Plan Estrategikoaren esparruan zuzeneko ordainketen esku-hartzeak aplikatzeari eta betekizun komunak ezartzeari buruzkoa eta kudeaketa eta kontrol sistema integratuaren eskabide bakarra arautzeari buruzkoa).

Nolanahi ere, aintzat hartuko dira eta baliozkoak izango dira 2025eko otsailaren 1etik aurreko paragrafoan aipatutako eskaera bakarria aurkezteko epea amaitu arte xede horrekin aurkeztutako laguntza eskaerak.

Eskaera bakarria aurkezteko epea luzatzen bada, zuzenean luzatuko da denbora bererako laguntza lerro hauetarako eskaerak aurkezteko eta aldatzeko epea.

Eskaera Arabako Foru Aldundiko Nekazaritza Sailaren eskualdeko nekazaritza bulegoetan egingo da, edo <https://npb-pac-2023.nekanet.net> web atariaren bidez. Atari horretara ziurtagiri digitalaren bidez sartu beharko da, Administrazio Publikoen Administrazio Prozedura Erkidearen Legearen 16.4 artikuluan ezarritakoari kalterik egin gabe (urriaren 1eko 39/2015 Legea).

d) Kreditu erreserbak:

1.500.000,00 euro, Arabako Foru Aldundiaren 2025eko gastuen aurrekontuko 40101. G/414400/47900405 "Konpentsaziozko kalte ordainak alde behartsuentzat" partidaren kontura, 2026ko urterako. Ordainketa 2026an egingo da.

Kreditu horiek zenbateko gehigarriekin handitu ahalko dira Arabako Lurralde Historikoko Dirulaguntzen urriaren 19ko 11/2016 Foru Arauaren 21. artikuluan xedatutako mugen barruan, hasieran erreserbatutako kredituaren ehuneko 100eraino, baita aurrekontu partidan edozein arrazoiengatik gerta daitekeen kreditu gehikuntzagatik ere.

Deialdi honetako laguntzetara bideratzen diren baliabide ekonomikoak Arabako Foru Aldundiaren Nekazaritza Sailaren aurrekontu kredituetatik aterako dira, eta Landa Garapenerako Europako Nekazaritza Funtzarekin (LGENF) batera finantzatu ahal izango dira, ehuneko 65ean.

Bigarrena. Nekazaritza Saileko titularrari ahalmena ematea laguntza lerro honetarako deialdia garatu eta aplikatzeko beharrezkoak diren xedapenak eman ditzan.

Hirugarrena. Erabaki honek ondorioak izango ditu ALHAOn argitaratu eta hurrengo egunetik aurrera.

Laugarrena. Administrazio bideari amaiera ematen dion erabaki honen aurka, nahi izanez gero, berraztertze errekurtsoa jar dakioke erabakia hartu duen organoari berari hilabete epean, argitaratu eta hurrengo egunetik aurrera; edo, bestela, administrazioarekiko auzi errekurtsoa, Euskal Autonomia Erkidegoko Auzitegi Nagusiko administrazioarekiko auzien salan, bi hilabete epean, erabakia argitaratu eta hurrengo egunetik aurrera.

Vitoria-Gasteiz, 2025eko martxoaren 4a

Diputatu nagusia

RAMIRO GONZÁLEZ VICENTE

Nekazaritza Saileko foru diputatua

NOEMÍ AGUIRRE QUINTANA

Nekazaritza zuzendaria

DAVID FERNÁNDEZ SARABIA